

Qissa Almasiihu lisaa (yo o his) immorde ka Alqur'aana

Wallifaande: Fatin Sabri

Firo: Mamadou Tafsir Balde

2018

Muulo arano

1- Hunor:

Yettoore e mantoore woodanii Alla tun. Hiden wallinora Mo, insinora Mo, tuubanen Mo junubaaji men e goopi golle men.

Mido seedoo wonnde reweteedo alaa ko wanaa Alla tun, O alaa kafidiido, e wonnde Muhammadu ko jeyaado Makko e Nulaado Makko. Mido seedoo kadi wonnde lisaa gedal Maryama, ko jeyaado Alla e Nulaado Makko.

Ndee deftere, ko ñoggannde rabbindiniraande banngingol njubbudi nula lisaa ngal (yo o his), dum le ko gomdingol Alla, rewa Mo Kanko tun. Mi etoto fillorgol daarol lisaa on e yumma makko Maryama, wonndude e dalilji eggiraadi ka Alqur'aana e ka Tawreeta e ka Linjiila, ndayginirgol ndee fibnde sellunde.

Ndee deftere wallitoto dabbitoobe goonga ben, e joomiraabe haqqille sellude ben, anndugol wonnde nula ngal Alla nuliri denndaangal Nulaabe ben, ko nula gootal ngal, ngal woni noddugol e wootindin-gol Alla, no laabiri.

Almasiihu on non, ko gooto e ben nulaabe gomdube o jeyanoo, etinoobe fewnirde mofte mabbe den tawhiidi laabudo. Kono duudube e mabbe woopiti laawol ngol, be jokki mbeleede mabbe, be wodditii tinndinooje diina mabbe kan.

Qissa Almasiihu on ko toraare(takkude) gennda yumma Maryama nden fuddori wonande Jom binnde.

Alqur'aana [2] 3 :33-37

Pellet, Alla Subike Aadama e Nuuhu e yimbe Ibraahiima ben e yimbe Imraana ben e hoore tagoore nden. (33). Jurriya (genyol) yoga e mabbe iwde e yoga. Alla ko Nanoowo, Anndudo. (34). Janto nde debbo Imraana on wi'unoo: "Joomi an, min mi takkanii Ma kon woni ka nder reedu am, ko rindinaa dum, jabanam, pellet, An ko A Nanoowo Anndudo". (35). Nde o jibinnoo mo o wi'i: "Min mi jibinii mo ko o deyel", ko Alla buri Anndude ko O jibini, gorko laataaki wano debbo. "Min mi innii mo Maryama, min mi moolnii mo e Maada e jurriya makko on immorde seytaane radaado on". (36). Joomi makko Jabirani mo jabannde moyfere, O Neiri mo needi moyfundi, O Halfini mo Jakariya. Tuma kala Jakariya naati e hoore makko ka Mihraab, o tawda mo e arsike, o wi'a : Hey Mariyam, hol no hebirdaa dum? O jaaboo: Dum ko ka Alla iwri. Pellet, Alla no arsikira on O Muuyi, ko aldaa e hasboore". (37).

3- Daraja Maryama Jiwo on e welo-welo ngon:

Alqur'aana 3 :42-47

(Janto) tuma nde Malaa'ika'en wi'unoo: "Ko an Maryama, pellet Alla Subike ma, O labbinii ma [O subii] e rewbe winndere nden(42)". Ko an yo Maryama, toyfinano Joomi maa, sujja, ruyfidaa e ruyfoobe ben(43). Dum, ko jeyaadam e kumpite wirniide, de Meden wahayina e maada. A tawdanooka e mabbe (aan Muhammadu), nde be weddotonoo kudi mabbe din: (anndugol) ko hommbo e mabbe ne'ata Maryama; a tawdanooka e mabbe kadi, nde be wennjaynnoo. Nde Malaa'ika'en wi'unoo: "Ko an yo

Maryama, Alla no wewlinire Konngol immorde e Makko: Innede makko, ko Almasiihi (meema-sella), lisaa gedaf Maryama, koohoojo aduna e laakara, jeyaada e baftinaabe [ka Alla]".(45)Himo yeewtida e yimbe ben ka woofordu e ka sagatalaaku, ko o jeyaado e moyfube ben(46).O wi'i: "Joomi am, hol no bidfo laatoranta lam, banndinke meemaali lam?". O Daali: "Ko wano non. Alla no Taga ko O Muuyi. Si O ñaawii fiyaaku, O daalanay mo [tun]: "Laato! o laatoo (47)".

4- Sowagol ñaldingol ngol e jibineede lisaa nden:

Alqur'aana 19 :16-35

Janto ka Deftere, Maryama, tuma nde o wodditino e yimbe makko ben [o yaari] e nokkuure fundnaangeere(16).O jogitii gaanin maŋbe wirngallo. Men nuli e makko (Jibriilu) Ruuhu Amen on, o nanndintinani mo e banndinke fotondirfo(17).O maaki: "Mi moolorii Yurmeteedo On e maada, si tawii a ko a gomdufo, [wata a bafo lam](18).O wi'i: "Anndu min, ko mi Nulaado Joomi maa, fii yo mi okke suka laabudo".(19)O maaki: "Ko honno suka laatoranta lam, hara banndinke meemaali lam, mi laataaki kadi jeenoowo?"O wi'i: "Ko wano non Joomi maa daaliri, wonnde dum ko ko newanii lam! E no Men wadira mo maande wonannde yimbe ben, e yurmeende immorde e Amen. Dum wonuno fiyaaku ñaawaado".(21)O sowii mo, o podtodi e makko e nokkuure wodditiinde.(22)Data (Datwere) nden fidi mo e jullere tamarohi, o maaki: "Ee jalla am! Hara nun mi maayuno ko adii dum! Mi wona yejjitaado fii mun".(23)O noddiri mo ley makki, [wiide mo]: "Wata a suno. Joomi maa wadii bunndu ley (koyde) maa.(24)Yeyu senngo maa, jullere tamarohi kin, libaa e maada, benndude tebetee.(25)Ñaamaa yaraa bubinaa bernde. Si a yi'i gooto e banndinke, maakan [Mo]: "Min dey, mi takkanii Yurmeteedo on koorka: Mi wowlidatah e neddanke hannde on".(26)O ardi e makko ka yimbe makko ben, himo tammii mo. Be wi'i: "Ko an yo Maryama, a addii huunde haawniinde!(26)Ko an yo banndiraawo Haaruuna, baaba maa wonaano nedfo bonfo, yumma maada kadi laataaki jeenoowo".[Maryama] joopii e makko [kanko boobo on]. Be wi'i: "Ko honno men yewtirta wondo sanfa fewndiido e woofordu?"(29)[lisaa boobo] on maaki: "Min on, ko mi jeyaado Alla. O okkii lam Deftere nden, O todfii lam Annabaajo.(30)O wadi lam barkinaado e nokku kala ka mi woni; O wasiyori lam julde e Jakka, fodde mido wuuri.(31)E digganoowo yumma am. O wadaali lam dunndarankeejo malkisaado.(32)Kisiyee on wonii e am, ñalnde mi jibinaa, e ñalnde mi maayata e Ñalnde mi immintintee ko mi wuurudo".(33)On ko lisaa, gedaf Maryama: daalol goonga, ngol be sikkitoo fii mun.(34)Haananaa Alla, nde O jogitotoo bidfo. Senayee wonanii Mo! Si O ñaawii (faandanagol) fiyaaku, O daalanay mo tun: "Wonu"! O wona.

5- Annabaaku e kaawase lisaa den:

Alqur'aana 5 :75-76

Almasiihi bidfo Maryama on wonaali, si wanaa Nulaado. Gomdii Nulaabe feyyiino ado makko. Neene makko ko goongudo, kambe difo, hibe ñaamaynoo ñaamete. Ndaaru ko honno Men bannginiranta be Aayeeje den, refti ndaaraa ko honno be wonaa fefindoreede.(75)Maaku : "E on reway ko wonaa Alla, kon ko jeytantaa on lora wanaa nafa?" Alla non ko Nanoowo, Anndudo.(76)

Alqur'aana 3 :48-50

Himo anndina mo deftere nden, e Ñeeñal ngal e Tawreeta e Linnjiila,(kadi) ko o Nulaado e bibbe Israa'iila ben, wonnde: "Gomdii mi addanii on maande immorde ka Joomi mon. Wonnde mido tagana on immorde e loopal, ko wa'i wa sonndu, mi wutta e muudum ndu wonta sonndu e dunayee Alla. Mi wumtina bundo, mi selli- na baadaado, mi wurnitira maaybe e dunayee Alla. Mi humpita on ko ñaamoton e ko maroton ka cuudi mon. Pellet, hino e dum, maande wonanan- de on, si on laatike gomdimbe.(49)e goongindo ko woni yeeso am, immorde e Tawreeta, e no mi daginana on yoga e ko harmina- noo e mon. Mi addanii on maande, immorde ka Joomi mon. Hulee Alla, doftodon mi". 50

Alqur'aana 5 :112-115

(Janto) tuma nde laabambe [ma] ben wi'unoo: "Ko an yo lisaa bidfo Maryama, hara Joomi maa no waawi jippinande men kooliwal ka kammu?" O maaki: "Hulee Alla, si on laatike gomdimbe".112Be wi'i:

"Men faala ñaamude e maggal, berde amen den deeyfa, men annda wonnde a goonganii men, men wona e maggal, jeyaaɓe e seeditiibe". 113Iisaa biɗɗo Maryama on maaki: "Yaa An Alla, Joomi amen, Jippinan men kooliwal immorde ka kammu, ngal wonana men iidi wonannde adiibe amen e sakkitiibe amen, e maande immorde ka Maada. Arsikaa men: ko An woni Moyfo Arsikoowo".Allaahu On daali : "Ko Mi Jippinanoowo on ngal. Kono kala yeddudo e mo'on baawo dum, Mi leptiray mo lepte de Mi leptataa hay gooto e tagoore nden".

Alqur'aana 3 :52-53

Nde Iisaa so'unoo keeferaaku ngun e mabbe, o maaki: "Ko hombo wallata lam e [diina] Alla [kan]?". Hawaaruyan'ko'en wi'i: "Menen ko men walloobe [e diina] Alla [kan], men gomɗinii Alla, seedo wonnde ko men jebbiiibe".52Joomi amen, men gomɗinii ko jipindaa kon, men jukkii Nulaado on. Winndu men e seediibe ben".53

Alqur'aana 61 :14

Ko onon yo gomɗimbe! Wonee walloobe Alla, wano Iisaa geɗal Maryama on maakirannoo laabambe mo ben: "Ko hombe wallatan mi ka Alla?" Laabambe mo ben wi'i: "Menen ko men walloobe (fii ko) Alla (kon)". Fedde goo e Banii-Israa'iila'en gomɗini, ndeya nden yeddi. Men semmbini gomɗimbe ben e hoore aybe mabbe ben, be waɗtini ko be foolube.

6- Fewjangol Iisaa ngol e bagoral(ndeenka) Alla ngal:

Alqur'aana 3 :54-59

Be fewji Alla kadi Fewji. Ko Alla buri moyfoode e fewjoobe ben.(Janto) nde Alla daalunoo: "Ko an yo Iisaa, Min ko mi hunnoowo ma e bamtoowo ma faade ka Am, e Labbinoowo ma e ben yeddube, (Mi) Waɗa ben jukkube ma e hoore ben yeddube haa Ñalnde Dargal. Refti ko faade ka Am woni ruttorde mon, Mi ñaawa hakkunde mon ko luutondirayno-don e muudum.55Si ko ben yeddube, Mi leptaybe lepte muusude ka aduna e ka laakara; hara faabotoobe alanaabe.56Ammam ben gomɗimbe be golli golle moyfo, O hunnanay be mbarjaari mabbe ndin. Alla yidaa tooñoobe ben".57Dum doo, Meden janngana maa dum, immorde e Aayeeje e jan'toore ñeeñaannde.58Pellet, sifa Iisaa ka Alla, ko wano Aadama; O tagirii mo e mbumbuldi, refti O daalani mo: "Laato!" o laatii.

7- Riiwugol kolmbeede e wareede Iisaa:

Alqur'aana 4:157-159

e wi'ugol be : "Menen men warii Iisaa Meme-sella, geɗal Maryama, Nulaado Alla on". Be waraali mo, be fetaali mo; ko woni, o nanndinana be! Pellet, ben luutondirbe fii makko: be wonii e sikkitaare fii makko. Anndal alanaa be e fii dum, si wanaa jukkugol sikke, be waraano mo e tayloral.Ko woni, Alla bamtu mo ka Makko. Alla laatike Fooludo, Ñeeñudo.Alaa hay gooto e yimbe Defte ben, si wanaa o gomɗinay mo ado maayde makko nden. Ñalnde Dargal, o wonoyay seeditotoodo e hoore mabbe.

8- Ko tawhiidi woni fii nula Almasiihu ngal:

Alqur'aana 3 :51

Pellet, ko Allah woni Joomi an e Joomi mon. Rewee Mo. "Ko dum woni laawol feewungol ngol".

Alqur'aana 3: 97-80

Alanaa banndinke, nde Allah okkata mo Deftere, e Ñeeñal, (faamu) e Annabaaku, refti o wi'a yimbe ben: " Wonee maccube am ko woori Allah". Si ko woni, wonee anndube anndinoobe, sabu ko janngiraynodon deftere nden e ko laatinodon hidon jannga.79O yamirtaa on jogitorgol Malaa'ikaabe ben e Annabaabe ben rewetebe. E O yamiray on keeferaaku, baawo nde laatinodon jebbiiibe?80

Alqur'aana 9:31

Be jogitike cernoobe mabbe e ruudiibe mabbe reweteebe ko woori Alla, e Mema-sella gedal Maryama. Be yamiraaka si wonaa rewugol rewe- teedo gooto. Reweteebe alaa si wonaa Kanko. Senayee woodanii Mo e kon ko be sirtaka.31

Alqur'aana 5: 116 - 118

(Janto) kadi tuma nde Alla daaloyte: "Ko an yo lisaa gedal Maryama, e ko an wi'i yimbe ben: "Jogitee lam min e yumma am reweteebe dɔdo ko wanaa Alla?" O maaka: "Senayee woodanii Ma! Haananaa lam nde mi yeetotoobe ko alanaa lam e mun geba! Si wonii mi wowli dum, haray pellet, A anndii dum. Hida anndi ko woni e wonkii am, min non mi anndaa ko woni e wonkii Maa. Pellet, An, ko An woni annduɔo wirniidi ɗin.116Mi wowlanaali be, si wanaa kon ko yamirdaa lam, wonnde: "Rewee Alla Joomi am e Joomi mon". Mi laatino e dow mabbe, seeditiido yeru ko mi wonu- noo hakkunde mabbe. Baawo nde hunnuɗaa mi, wonuɗaa An, Tommbiido e dow mabbe. An, ko A seeditiido e kala huunde.(117)Si a leptii be, pellet, kambe ko be jeyaabe Maada. Si A haforanii be, pellet, An, ko An woni Fooluɗo, Ñeeñuɗo.

Alqur'aana 4: 171 - 173

Ko onon yo yimbe Defte, wata on burtin ka diina mon, wata on wowlu e hoore Alla si wanaa goonga. Pellet, Mema-sella iisaa gedal Maryama on, ko Nulaado Alla e daalol Makko ngol O werlii e Maryama e ruuhu immorde ka Makko. Gomɗinee Alla e Nulaado Makko on, wata on wi'u [Alla ko]: "Tato". Haditee, ko dum buri moyɗannde on. Anndee Alla ko reweteebe Gooto. Senayee woodanii Mo nde biɗɗo laatantoo Mo! Ko Kanko woodani ko woni ka kammuuli e ka leydi. Alla yonii hoolorteeɗo.(171)Mema-sella on burnitaaki nde o laatotoo jeyaada Alla, wanaa Malaa'ikaabe baɗtinaabe ben. Kala buurnitaniido rewugol Mo o mawnintinii, ma O moobitoy be ka Makko be denndaangal.Si tawii ko ben gomɗimbe be golli moyɗuɗi, O timminanay be njɔɓɗi mabbe ndin, O beydana be bural Makko ngal. Beya burnitiibe mawnintinii, O leptay be lepte muusufe, be hebanoytaake gaanin Alla, giɗo, wanaa ballo.173

9- Wewlinirgol iisaa, aroygol Annabiijo Muhammadu

Alqur'aana 61 :6

e Tuma nde lisaa gedal Maryama on maakunoo : "Ko onon yo geɗalbe Israa'iila, pellet, ko mi Nulaado Allah e mon, mi gomɗindo nden wonnde e sookeeje am, immorde e Tawreeta, e wewliniroowo fii Nulaado aroyoowo baawo am, wi'eteeɗo Ahmad". Nde o addannoo be banngannduyeeji ɗin, be wi'i : "Dum ko mbilewu banngu ngu".

10-Tobbe Bannginooje

1

Fillayee Annabi iisaa on no fuddori takke ɗe neene Maryama waɗɗini e mun ɗen, wonnde o waɗiray ko woni ka teege makko ɗen kon fii rewugol Joomi makko, e ligganagol Suudu Alla ndun, e ko o torii Taguɗo Winndere nden On, nde O jaabinanta mo.

2

Baawo be poodotirde, ko Annabi Zakariyaa halfinanoo dannkagol Maryama, on kaliifu jogitorano waɗɗorii dum diina, tawde Maryama ko mo neenemun yediri dankagol Suudu Alla ndun, hettanoo rewugol Joomi mun.

Annabi Zakariyaa, ko anndiranooɗo kulol Alla. Ko e ngal gomɗinal tiidungal, e jebbilanagol Jeydo Winndere nden, woni ko o eltiri Maryama.

3

Hino jeyaa e ko Alla neeminiri Maryama, sabu laabal makko ngal, ko hunnangol mo arsike yaajudo, fewndo ka dum sadtirnoo banii-Israa'iila'en.

4

Nde Jibiriilu ardirnoo mo e mbaadi neddo, o moolorno Alla dadugol mo. Dum hino tinndina e laabal makko.

5

Nde Maryama sowinoo lisaa, o jebbilanino fiyaaku Joomi makko on, o pottitii e yimbe makko ben.

6

Ndeenka e yurmeende Alla banngi e Maryama, tawde O hoynanii mo jibingol ngol, e hebugol ñaamete e njaram, e nokku hoolniido, takko ka binndeere tamarohi e joolol ilayngol takko makko.

7

Nde sonna Maryama tuumiranoo fefindagol huunde mawnde, nden woni hebugol biddo mo alaa baaba, Joomi makko yamirno mo deyyugol. O wahayini e lisaa boobo on, wowlugol labbina yumma makko.

8

lisaa tertini kadi e Annabaaku e jeyeede e jebbilanagol Jeydo Winndere nden, e wonnde ko o neddanke Nulaado.

9

Ko tawhiidi wonunoo tobbere himmunde nden e nula lisaa ngal. Tawde o tertinno wonnde ko reweteeo Gooto woodi, Mo alaa kafidiido wanaa biddo. O noddiri yimbe ben e rewugol Alla tun.

10

Kaawisaaji waduɗi e juude lisaa ɗin fow, ko e muuyeede e duɗeyee Alla wonunoo, fii no nula Almasiihu ngal ñiibira.

11

Almasiihu aru fii goonginol nula Muusaa ngal, e sellingol kala penaale fefindaade e ngal nula.

12

Nde Alla dadndunoo Nulaado Makko on lisaa e femmpeede, O bamtiri mo ka Makko, O foduno mo wafde jukkube mo ben, fooloobe aybe mabbe Ñalnde Darngal.

13

Mu'ujiza Mo Alla tagiri lisaa on ko aldaa e baaba, no wa'i ma mu'ujiza tagireede Aadama e mbulbulɗi ko aldaa e baaba e neene.

14

Annabi lisaa waraaka o femmpaaka, ko Alla toowniri mo ka Makko.

15

lisaa meedaali yamirde goddo rewugol mo kanko e yumma makko, ko woori Alla. Ko rewugol tagudo On tun woni ko o noddiri yimbe makko ben.

16

Alqur'aana labbinii dadndii Maryama e gefal makko lisaa, e fii ko be dammbiri be kon nodditorgol reweteefe, wurin nde tertinii wonnde ko fii rewugol Alla tun, woni ko be noddaynoo e mun.

17

Annabi lisaa ko noddiri yimbe makko ben, ko wootindingol Alla tun, wano dūm ardiri ka Linjiilaa e piide misal:

lisaa jaabii: "Wasiyee arano on, ko wiide: jento, an Israa'iila. Ko Joomiraado woni reweteedo men tun yida Joomiraado gilli timmudi nder bernde ma efitaañdeu ma e denndaangal kattane. Ko dūm woni wasiyee arano on".(Marc 12:29)"Ko dūm woni nguurndam poomaa ñam: nde be anndata wonnde ko An woni reweteedo e goonga on, e lisaa Almasiihu on mo Nuludaa".(Jean 17:3)

(Marc 12:29)

"Ko dūm woni nguurndam poomaa ñam: nde be anndata wonnde ko An woni reweteedo e goonga on, e lisaa Almasiihu on mo Nuludaa".

(Jean 17:3)

18

Humpitugol fii argol Nulaado Muhammadu (yo o his), ko jeyanoodum e Nulal Almasiihu on.

"Midō ñabbira Joomido on, nde O yedata on Nulaado goo, mo heddodoton haa poomaa".(Jean 16:14)"Tuma kala nde on Nulaado mo Mi Nulata e mon ari, ruuhu goongaajo on, immordo e Joomi On, o seeditanto lam".(Jean 15:26)

(Jean 16:14)

"Tuma kala nde on Nulaado mo Mi Nulata e mon ari, ruuhu goongaajo on, immordo e Joomi On, o seeditanto lam".

(Jean 15:26)

Rawnoode:

1. Nulala ngal Annabi lisaa ardi e mun ngal, ko Nulala Annabaabe ben fow, ngal woni tawhiidi laabudo on. Tagudo On ko imminiri Nulaabe ben fow, ko Nulal gootal ngal Anndinagol fibnde sellunde yahdunde e diinaaji ñin, ko iwidi wootiri mari: ka tagudo on. Ammaa lurre ñen, ko sabu firo-firta yimbe ben.

Tagudo On ko imminiri Nulaabe ben fow, ko Nulal gootal ngal

Anndinagol fibnde sellunde yahdunde e diinaaji ñin, ko iwidi wootiri mari: ka tagudo on. Ammaa lurre ñen, ko sabu firo-firta yimbe ben.

2. Nulal tagudo On faade e tagu ngun, ko maa wona huunde wootere nden. Nde wona kadi newiinde faamugol, tuuginii nde e doose jukkondirde e tagudo On.

3. Helmere Islmaau nden, hino firta jebbilanagol tagudo On, rewa Mo ko aldaa e hakindiido. Ko dūm wonunoo Nulal denndaangal Nulaabe ben. Wonnde dūm ko haqqee tagudo On, nde O rewetee Kanko tun.

4. Ka fuɗɗorde tagugol neɗɗo on, aadi fibana hak- nde aade o e tagudo On, wonnde o seeditanike Mo Gootaagu e Jeytugol wonande Alla. Ko dūm waɗi si tawii hino efonndo kala neɗɗanke, woodeede Tagudo e Gootaagu tagu On. Ko dūm woni ko anndaa e no Alla tagiri non tagu ngun: naange ngen, e koode ñen, e pelle ñen, e leɗɗe ñen, e denndaangal ruugayɗi ñin, fow hino jebbilanii tagudo ñi On, ñi seeditanii Mo Gootaagu. (Ndaaru Alqur'aana 7:172).

Ko dūm woni ko anndaa e no Alla tagiri non tagu ngun: naange ngen, e koode ñen, e pelle ñen, e leɗɗe ñen, e denndaangal ruugayɗi ñin, fow hino jebbilanii tagudo ñi On, ñi seeditanii Mo Gootaagu. (Ndaaru Alqur'aana 7:172).

Lurre ñen hakkunde diinaaji ñin, ko sabu ko be jogitori yahoobe hakkunde tagudo On e tagaabe ben, ka dewe. Sinno be fottuno e rewugol tagudo On ko aldaa e hakindiibe, en hawayno e rewugol Mo Kanko tun. Ko dūm woni soktirgal neɗɗanke on, e fii pottal e huuwondiral.

Maaku: "Ko onon yo yimbe Defte, aree e konngol fotayngol hakkunde amen e mo'on: wonnde en rewataa si wanaa Alla, en kafidataa Mo e huunde, wata yoga e me'en jogitor yoga, joomiraaɓe ko woori Alla". Si ɓe huccitii, wi'ee: "Seeditee wonnde menen ko men jebbiliibe".Alqur'aana 3 :64

Alqur'aana 3 :64

6 Reweteedo tagudo On, ko bajo gooto, faandor- teedo. Haanana Mawngu Makko ngun, nde O jogi-totoo genndaajo maa biɗɗo. O jibinaa, O jibinaaka, O alaa yeruujo hay gooto.

Helmere "biɗɗo Alla" nden, jabortaako nii tun, tawde ka arii e nokkeeli duudifi ka Linjiila, nde Alla nodditirta subaabe ben "biɗɗe". Wano Alyahuuda en, hibe fiɓi wonnde tagudo On ko Bajo, Mo alaa biɗɗo wanaa genndo. Ko dum wadi si tawii wiide "biɗɗo Alla", hino faandoree jeyaado Alla. yoga e jokkunoobe Almasiihu immorde e Gerek'en e Rumen'en, bonnunoo huutorgol nden helmere, ɓe huutorinde maanaa banndingol reweteedo On.

8. Ko reweteedo On tun woni ko heerori timmal e kattal. O hatonjinaa maayirgol fii men, wano wofɓe fiɓiri dum. Ko Kanko wuurnata, O wara. Ko dum wadi si O maayaa, O wuurnitaaka. Ko Kanko kadi reeni O dadɗi Nulaado Makko on lisaa, e wareede e fempeede, wano O reenirta O dadɗa jeyaabe Makko moyɗube ben, tuma kala.

9. Jeyɗo Winndere nden, ko Hinnotoodo tagu Makko ngun, buri ko neene yurmetee biɗɗe mun. Himo haforana ɓe, tuma kala ɓe ruttitii e Makko.

10. Tasakuyee mo Alla anndiniri nedɗanke on, fewndo O jabannoo Aadama tuubuubuyee, ko o ñaamani leggal harminaangal ngal, ko haforanal ngal Alla adii haforande nedɗanke. Maana goopol ndonangol woodaani, hay gooto roondotaako bak- wonki goo, kala gooto roondoto goopol mum. Dum ko yurmeende Alla e men.

11. Yaafuyee ittita nundal, wano woniri nundal haɗataa yaafagol.

12. Nedɗo kala hebidete e laabal ngal jillaa bakkaatu. Ko tuma ontigi hellifaa, o lamditortee fii golle makko.

13. Yimbe ben hino fota yeeso Alla: huunde senndaa hakkunde aarabu e ajami, si wanaa kulol Alla ngol, e golle moyɗe den. Dum no holla sifaaji e inde Yurmeteedo, Jeyɗo Winndere nden, e nundal Makko ekn. Alla daali:Ko onon yo yimbe, Menen Men tagirii on gorko e debbo, Men wadi on leyɗi e gori, fii yo on anndindir. Pellet, ɓurɓe teddude e mon ben ka Alla, ko ɓurɓe reenaade e mon ben. Pellet, Alla ko Anndudo, Humpitiido.Alqur'aana 13: 4914. Goto e sifaaji Alla ɗin, ko ñenyɗal. Wiide O tagirde huunde samakal, senayee woodanii Mo e dum! Ko O tagirta, ko ñenyɗal e faamu. "Men tagiraali kammu ngun e leydi ndin e ko woni kon hakkunde majji ko Men fijoobe".Alqur'aana 21:1615. Nedɗo lamditortaake junuubi ɗi o faggitaaki, ko non kadi woni o dadirta si wanaa gomɗinal e golle makko moyɗe den. Alla wuurnirii mo, O okki mo feere subagol, fii ndaarndagol jarriboo mo; dum holli wonnde ko kuude makko den tun o lannditortee. Wano dum ardiri deftere Deuteronomy 24:16.Mawɓe ben haanaaka warireede fii biɗɗe maɓɓe, wanaa biɗɗe ben haanaa warireede fii mawɓe maɓɓe. "Nedɗo kala ko bakkaatu mun warirtee".Ndaaru Alqur'aana 35:18

Ko onon yo yimbe, Menen Men tagirii on gorko e debbo, Men wadi on leyɗi e gori, fii yo on anndindir. Pellet, ɓurɓe teddude e mon ben ka Alla, ko ɓurɓe reenaade e mon ben. Pellet, Alla ko Anndudo, Humpitiido.

Alqur'aana 13: 49

14. Goto e sifaaji Alla ɗin, ko ñenyɗal. Wiide O tagirde huunde samakal, senayee woodanii Mo e dum! Ko O tagirta, ko ñenyɗal e faamu. "Men tagiraali kammu ngun e leydi ndin e ko woni kon hakkunde majji ko Men fijoobe".

Alqur'aana 21:16

15. Nedɗo lamditortaake junuubi ɗi o faggitaaki, ko non kadi woni o dadirta si wanaa gomɗinal e golle makko moyɗe den. Alla wuurnirii mo, O okki mo feere subagol, fii ndaarndagol jarriboo mo; dum holli wonnde ko kuude makko den tun o lannditortee. Wano dum ardiri deftere Deuteronomy 24:16.

Mawbe ben haanaaka warireede fii bidbe maɓbe, wanaa bidbe ben haanaa warireede fii mawbe maɓbe. "Neddo kala ko bakkaatu mun warirtee".

Ndaaru Alqur'aana 35:18

16. Dam nguurndam, wanaa hattoode men, Alla tagiraali neddo on fii ñaama yara jiidoo tun. Si wanaa dum, kulle den burayno yimbe ben e dum, tawde de ñaamay de yaray de rimay, kono de lamditortaake golle majje. Alla teddinirii neddo on lomtagol ka leydi, O buurni mo e dow duudufi e tagu ngun, hattirde e burnugol. Ko dum wadi si O yobitiraybe golle maɓbe den ka laakara.

Midó torii Alla nde ndee deftere wonata ndayginorde peewal

e barkinnde aduna e laakara.

Qissa Almasiihu lisaa (yo o his) immorde ka Alqur'aana.....	1
1- Hunor:.....	1
Qissa Almasiihu on ko toraare(takkude) gennda yumma Maryama nden fuddori wonande Jom binnde.....	1
Alqur'aana [2] 3 :33-37	1
3- Daraja Maryama Jiwo on e welo-welo ngon:	1
Alqur'aana 3 :42-47	1
4- Sowagol njaldingol ngol e jibineede lisaa nden:	2
Alqur'aana 19 :16-35	2
5- Annabaaku e kaawase lisaa den:	2
Alqur'aana 5 :75-76	2
Alqur'aana 3 :48-50	2
Alqur'aana 5 :112-115	2
Alqur'aana 3 :52-53	3
Alqur'aana 61 :14.....	3
6- Fewjangol lisaa ngol e bagoral(ndeenka) Alla ngal:	3
Alqur'aana 3 :54-59	3
7- Riiwugol kolmbeede e wareede lisaa:.....	3
Alqur'aana 4:157-159	3
8- Ko tawhiidi woni fii nula Almasiihu ngal:.....	3
Alqur'aana 3 :51.....	3
Alqur'aana 3: 97-80	3
Alqur'aana 9:31.....	4
Alqur'aana 5: 116 - 118	4
Alqur'aana 4: 171 - 173	4
9- Wewlinirgol iisaa, aroygol Annabiijo Muhammadu.....	4
Alqur'aana 61 :6.....	4
10-Tobb'e Bannginooje	4
Rawnoode:	6